



Jens Napātók´
Partii Naleqqamit Inatsisartunut ilaasortaq

§ 37 naapertorlugu apeqqutip 181/2019-ip akineqarnera

27-05-2019
Suliap normua.: 2019 - 10869
Akt nr. 10694153

1. Ilumoorpa Ittoqqortoormiit una qaammat naammap nakorsaarutissasut?

Postboks 1160
Oqarasuaat: 34 50 00
Fax: 34 55 05
3900 Nuuk

Akissut:

Email: pn@nanoq.gl
www.naalakkersuisut.gl

Ittoqqortoormiit juunip naaneranut nakorsamit najorneqassaaq. Peqqinnissaqarfiup Ittoqqortoormiini nakorsamik atorfinittisoqarnissaanik suliniuteqarpoq. Piffissani Ittoqqortoormiinum nakorsamik atorfinittisinnaanngiffimmi nakorsap suliaanut tunngasunik suliaqarnerit telemedicini, ulluinnarni oqarasuaatitigut attaveqarnerit skypikkullu nakorsartitsinerit atorlugit isumagineqassaaq. Nunaqarfimmi piffissani killilinni nakorsaqartinnagu nakorsap suliaanut tunngasunik suliaqarnerit Nuummi Dronning Ingridip Peqqissaavianit nakorsanit aalajaannerusumik aalajangersimanerusumillu isumagineqartassapput. Tamatuma saniatigut innuttaasut peqqinnissakkut suliassanut ikiorserneqar-nissamut pisariaqartitaat imatut aquneqalissapput, Ittoqqortoormiini peqqissaasunik allanillu peqqinnissaqarfimmi sulisunik najuuttuaannartoqarluni nakorsamut ajornanngit-sumik attaveqarsinnaallutilu isumaqatigiissuteqarsinnaapput.

2. Ittoqqortoormiit nakorsaarunneratigut suna tullinnguullugu Naalakkersuisut pilersaarutigaat atorfik atorunnaarsissallugu?

Akissut:

Atorfiit atorunnaarsinnissaat Naalakkersuisut anguniagarinngilaat. Kalaallit Nunaanni Peqqinnissaqarfik napparsimasut katsorsarneqartarnerat qaffasissumik pitsaassuseqar-nissaa qulakkiissavaa, kiisalu suliassat isumagineqartarnerisa aamma sulisussarsierner-mut sulisitsiinnarnissamullu tunngatillugu periarfissat naleqqussarnissaat, kiisalu ani-ngaasaqarnikkut piumasaqaatinut killiliussat qulakkiissavai. Tamanna isumaqarpoq peq-qinnissaqarfimmi sulisut arlaqartunik amerlassuseqartut naleqqussarneqassasut aaqqi-vigineqarlutillu.

Inussiarnersumik inuulluaqqusilluta
Med venlig hilsen

Martha Abelsen